

Broj: 01-01.3-3123-20/17 S.L.

Datum: 24.11.2017. godine

Na osnovu člana 70. Zakona o javnim nabavkama ("Službeni glasnik BiH" broj 39/14 u daljem tekstu Zakona), te člana 15. Pravilnika o javnim nabavkama JP Autoceste FBiH d.o.o. Mostar i preporuke Komisije za javne nabavke konstatirane u Zapisniku o pregledu i ocjeni ponuda broj: 01-01.3-3123-19/17 S.L. od 23.11.2017. godine direktor Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar donosi sljedeću:

ODLUKU
o izboru najpovoljnijeg ponuđača
u postupku dodjele ugovora iz Aneksa II. Dio B Zakona

I

Ugovor za nabavku usluga „Fizička zaštita ljudi i imovine, osiguranje i prijevoz novca blindiranim vozilom za potrebe JP Autoceste FBiH d.o.o. Mostar“ u vrijednosti od **2.644.066,16 KM** sa uračunatim PDV-om dodjeljuje se ponuđaču: Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla (nosilac Konzorcija „Securitas“ d.o.o.) sa registriranim sjedištem u ulici Bačići 3, 71000 Sarajevo ID: 4227417480004, koji je dostavio prihvatljivu ponudu sa najnižom cijenom.

II

Ugovor se zaključuje za sukcesivno vršenje usluga za period od tri godine. Obaveze koje dospjevaju u narednim godinama moraju biti ugovorene u iznosima predviđenim propisima kojima se uređuje izvršenje budžeta ili finansijskog plana za svaku godinu posebno. Ponuđena vrijednost usluga za 2018. godinu iznosi: 628.495,20 KM bez uračunatog PDV-a.

III

U skladu sa članom 70. stav (6) Zakona JP „Autoceste FBiH“ d.o.o. Mostar će ovu Odluku objaviti na svojoj internet stranici: www.jpautoceste.ba i to istovremeno s upućivanjem Odluke ponuđačima koji su učestvovali u postupku nabavke.



AD

O b r a z l o ž e n j e

Ugovorni organ je pokrenuo postupak dodjele ugovora na čiju dodjelu se primjenjuje poseban režim u skladu sa članom 8. Zakona o javnim nabavkama („Sl.glasnik BiH“ broj: 39/14“), te je u skladu sa Pravilnikom o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ broj: 66/16) uputio pismeni poziv za dostavu ponuda za nabavku usluga: „Fizička zaštita ljudi i imovine, osiguranje i prijevoz novca blindiranim vozilom za potrebe JP Autoceste FBiH d.o.o. Mostar“ na adrese tri agencije:

- Agencija za zaštitu ljudi i imovine „Securitas“ d.o.o. Sarajevo,
- „Flek“ d.o.o. Tuzla i
- „BH sigurnost“ d.o.o. Sarajevo

Ugovorni organ je istovremeno objavio Poziv za dostavu ponuda na svojoj web stranici. Na osnovu poziva svoju ponudu je, do roka traženog u Pozivu za dostavljanje ponuda, dostavio jedan ponuđač.

Nakon pregleda dostavljene početne ponude, Komisija za javnu nabavku je konstatirala da ponuda ponuđača Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla ispunjava kvalifikacione kriterije lične sposobnosti iz člana 45. Zakona, uvjete profesionalne sposobnosti iz člana 46. Zakona, uvjete ekonomske i finansijske sposobnosti iz člana 47. Zakona i uvjete tehničke i profesionalne sposobnosti iz člana 50. Zakona, sadrži svu traženu dokumentaciju, te je u skladu sa članom 9. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama pozvala navedenog ponuđača na pregovore.

Pregovori su obavljani u dva kruga. Nakon provedenih pregovora, kvalificirani ponuđač je pozvan da dostavi konačnu ponudu.

Kriterij za dodjelu ugovora je „najniža cijena“.

Komisija je prema članu 65. ZJN pristupila pregledu i ocjeni ponude, što je evidentirano u Zapisniku o pregledu i ocjeni ponuda, koji je sastavni dio ove Odluke.

Shodno prijedlogu i preporuci Komisije za javne nabavke Ugovor za nabavku usluga „**Fizička zaštita ljudi i imovine, osiguranje i prijevoz novca blindiranim vozilom za potrebe JP Autoceste FBiH d.o.o. Mostar**“ u vrijednosti od **2.644.066,16 KM** sa uračunatim PDV-om dodjeljuje se ponuđaču: Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla (nosilac Konzorcija „Securitas“ d.o.o.) sa registriranim sjedištem u ulici Bačići 3, 71000 Sarajevo ID: 4227417480004, koji je dostavio prihvatljivu ponudu sa najnižom cijenom;

Ugovor se zaključuje za sukcesivno vršenje usluga za period od tri godine. Obaveze koje dospjevaju u narednim godinama moraju biti ugovorene u iznosima predviđenim propisima kojima se uređuje izvršenje budžeta ili finansijskog plana za svaku godinu posebno. Ponudena vrijednost usluga za 2018. godinu iznosi: 628.495,20 KM bez uračunatog PDV-a.

Ugovorni organ će objaviti dobrovoljno ex-ante obavještenje o transparentnosti na Portalu javnih nabavki.

Shodno navedenom ugovorni organ je prihvatio prijedlog Komisije i donio Odluku kao u dispozitivu.



JD

Pouka o pravnom lijeku:

Protiv ove Odluke može se uputiti žalba u roku od deset (10) dana od dana objave dobrovoljnog ex-ante obavještenja o transparentnosti.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Zapisnik o pregledu i ocjeni ponuda

izvršni direktor
Sektor za opće, kadrovske i pravne poslove:

.....
Adem Zolj, dipl.ing.saob.

direktor:

.....
Adnan Terzić, dipl.ing.

Dostaviti:

- ponuđaču koji je predao ponudu
- a/a



Handwritten initials or signature.

Broj: 01-01.3-3123-19/17 S.L.

Datum: 23.11.2017. godine

U skladu sa članom 65. Zakona o javnim nabavkama („Službeni glasnik BiH“ br. 39/14), članom 8. Pravilnika o uspostavljanju i radu komisije za javne nabavke („Službeni glasnik BiH“ br. 103/14), članom 9. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama („Službeni glasnik BiH“ br. 66/16) i članom 14. Pravilnika o javnim nabavkama JP „Autoceste FBiH“ d.o.o Mostar, Komisija dostavlja:

ZAPISNIK O PREGLEDU I OCJENI PONUDA
za usluge iz Aneksa II. Dio B Zakona o javnim nabavkama

- a) **Naziv i sjedište ugovornog organa:** JP „Autoceste FBiH“ d.o.o. Mostar;
- b) **Predmet nabavke:** Pružanje usluga: „Fizička zaštita ljudi i imovine, osiguranje i prijevoz novca blindiranim vozilom za potrebe JP Autoceste FBiH d.o.o. Mostar“ za period od 36 mjeseci od zaključivanja ugovora, CPV KOD 79710000-4 – Usluge na području sigurnosti;
- c) **Evidencijski broj nabavke:** 01-01.3-3123/17 S.L. od 05.07.2017. godine;
- d) **Vrsta postupka javne nabavke:** Postupak nabavke na koju se primjenjuje poseban režim shodno članu 8. Zakona o javnim nabavkama („Službeni glasnik BiH“, broj: 39/14);
- e) **Podaci o objavi:** Poziv objavljen na web stranici Ugovornog organa i poslat na tri adrese dana 21.07.2017. godine;
- f) **Kriterij za dodjelu ugovora:** „najniža cijena“;
- g) **Datum početka pregleda i ocjene ponuda:** Komisija je počela da pregleda početnu ponudu 21.08.2017. godine;
- h) **Procijenjena vrijednost nabavke:** 2.450.000,00 KM bez uračunatog PDV-a;
- i) **Naziv i sjedište svih ponuđača, prema redoslijedu zaprimanja inicijalnih i/ili konačnih ponuda:**
 - Početna ponuda dostavljena od ponuđača Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla, zaprimljena dana 11.08.2017. godine u 08:50;
 - Konačna ponuda dostavljena od ponuđača Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla, zaprimljena dana 22.11.2017. godine u 11:30;
- j) **Datum slanja poziva na pregovaranje:** Komisija je pozvala ponuđača na pregovore (o načinu izvršenja, posebnostima tehničke specifikacije, mogućim rizicima i kritičnim tačkama u procesu izvršenja, cijeni, uslovima izvršenja na osnovu navedenih zahtjeva i drugim temama za pregovore koji su u vezi s predmetom usluga i njihovim valjanim izvršenjem) dana 21.08.2017. godine. Poziv je uručen ponuđaču putem fax-a dana 22.08.2017. godine. Pregovori su zakazani za 23.08.2017. godine.



Handwritten signature

Ponuđač se uredno odazvao pozivu na pregovore, te su isti izvršeni u prostorijama Ugovornog organa u zakazanom terminu. Nakon provedenih pregovora Ponuđač je pozvan da dostavi konačnu ponudu;

Po dostavljanju konačne ponude Komisija je pozvala ponuđača na drugi krug pregovora (o dostavljenom Obrascu liste ključnog osoblja) dana 21.11.2017. godine. Pregovori su zakazani za 22.11.2017. godine.

Ponuđač se uredno odazvao pozivu na pregovore, te su isti izvršeni u prostorijama Ugovornog organa u zakazanom terminu. Na provedenim pregovorima Ponuđač je dostavio kompletan Obrazac liste ključnog osoblja, koji se smatra dijelom konačne ponude.

- k) **Datum slanja poziva na izmjenu i/ili dopunu inicijalne ponude ili na dostavu konačne ponude:** Dana 23.08.2017. godine na provedenim pregovorima - prvi krug ponuđač je pozvan da dostavi konačnu ponudu do 18.09.2017. godine do 16:30 sati;
Konačnu ponudu ponuđač je dostavio dana 15.09.2017. u 13:45 sati. Dopunu ponude ponuđač je dostavio na drugom krugu pregovora 22.11.2017. godine, tako da se smatra da je konačna ponuda dostavljena, nakon provedenih pregovora dana 22.11.2017. godine u 11:30 sati.
- l) **Analitički prikaz traženih i dostavljenih dokumenata na osnovu koji se utvrđuje postoje li razlozi isključenja ponuđača:**

A. Inicijalna ponuda

Ponuđač je uredno dostavio svoju početnu ponudu do roka traženog u tenderskoj dokumentaciji. Nakon pregleda dostavljene ponude, Komisija za javnu nabavku je konstatirala da:

Ponuda ponuđača Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla ispunjava kvalifikacione kriterije lične sposobnosti iz člana 45. Zakona, uvjete profesionalne sposobnosti iz člana 46. Zakona, uvjete ekonomske i finansijske sposobnosti iz člana 47. Zakona i uvjete tehničke i profesionalne sposobnosti iz člana 50. Zakona, sadrži svu traženu dokumentaciju, te je u skladu sa članom 9. Pravilnika o postupku dodjele ugovora o uslugama iz Aneksa II. Dio B Zakona o javnim nabavkama pozvala ponuđača na pregovore;

B. Konačna ponuda

Ponuđač je uredno dostavio svoju konačnu ponudu do roka traženog u tenderskoj dokumentaciji. Nakon pregleda dostavljene ponude, Komisija za javnu nabavku je konstatirala da je ponuda dostavljena na Obrascima za konačnu ponudu, da je dostavljen kompletan Obrazac liste ključnog osoblja, te da je ponuda prihvatljiva. Obrazac liste ključnog osoblja dostavljen u drugom krugu pregovora smatra se dijelom konačne ponude;

- m) **Naziv i sjedište ponuđača koji se isključuju te obrazloženje razloga njihovog isključenja:**
Nije primjenjivo.
- n) **Podatci o pojašnjenju inicijalnih i/ili konačnih ponuda:** Nije traženo pojašnjenje ponuda.
- o) **Prikaz valjanosti inicijalnih i/ili konačnih ponuda prema obliku, sadržaju i cjelovitosti:**
Komisija je izvršila procjenu početne/inicijalne ponude prema obliku, sadržaju i cjelovitosti i konstatirala da je ponuda dostavljena u skladu sa uvjetima i kriterijima koji su utvrđeni u tenderskoj dokumentaciji. U ponudi br. 3207/2017 od 11.08.2017. godine, Ponuđač je dostavio ukupnu cijenu za zadate usluge za period od tri godine u iznosu: od 2.277.072,00 KM bez uračunatog PDV-a, odnosno 2.664.174,24 KM sa uračunatim PDV-om. Ponuđena vrijednost usluga za 2018. godinu iznosi: 633.024,00 KM bez uračunatog PDV-a.

Konačnu ponudu ponuđač je dostavio dana 15.09.2017. godine. U ponudi br. 3685/2017 od 14.09.2017. godine, Ponuđač je dostavio ukupnu cijenu za zadate usluge za period od tri godine u iznosu: od 2.259.885,60 KM bez uračunatog PDV-a, odnosno 2.644.066,16 KM sa uračunatim PDV-om, tj. ponuđena konačna cijena je za 0,755 % manja od cijene izražene u početnoj ponudi. Ponuđena vrijednost usluga za 2018. godinu iznosi: 628.495,20 KM bez uračunatog PDV-a. Na pregovorima – drugi krug 22.11.2017. godine Ponuđač je dostavio kompletan Obrazac liste ključnog osoblja, koji se smatra dijelom konačne ponude. Na osnovu



LAD

gore navedenog Komisija je konstatala da ponuda zadovoljava zadate kriterije i da je prihvatljiva za ugovorni organ;

- p) **Analiza inicijalnih i/ili konačnih ponuda vezano uz ispunjenje zahtjeva u pogledu opisa predmeta nabavke i tehničkih specifikacija:** Ponuda zadovoljava zahtjev u pogledu opisa predmeta nabavke i tehničkih specifikacija.
- q) **Podatci o ispravkama računskih grešaka u inicijalnim i/ili konačnim ponudama:** U ponudi nisu uočene računске greške.
- r) **Naziv i sjedište ponuđača čije inicijalne i/ili konačne ponude se odbijaju na osnovu rezultata pregleda i ocjene ponuda te obrazloženje razloga za njihovo odbijanje:** Nije primjenjivo.
- s) **Razlozi za odbijanje inicijalne i/ili konačne ponude zbog neprirodno niske cijene:** Nije primjenjivo.
- t) **Podaci o pregovaranju:** Pregovori su vršeni u dva kruga. Zapisnici o pregovorima i izvještaji o izvršenim pregovorima su dostavljeni u prilogu ovog zapisnika, odnosno na raspolaganju su ponuđaču kojeg se tiču i predstavnicima ugovornog organa;
- u) **Analiza prihvatljivih konačnih ponuda prema kriteriju za izbor ponude:**
Kriterij za dodjelu ugovora je „najniža cijena“. Ponuđač je ponudio cijenu u iznosu od: 2.259.885,60 KM bez uračunatog PDV-a, odnosno 2.644.066,16 KM sa uračunatim PDV-om za period od tri godine.

- v) **Rangiranje prihvatljivih konačnih ponuda prema kriteriju za izbor ponude:**

NAZIV KOMPANIJE	CIJENA IZ OBRASCA ZA KONAČNU PONUDU (bez uklj. PDV-a) (KM)	KORIGIRANE VRIJEDNOSTI		IZNOS CIJENE IZ KONAČNE PONUDE (bez PDV-a/sa PDV-om KM)
		MATEMATIČKE GREŠKE	POPUSTI	
1. Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla	2.259.885,60	-	-	2.259.885,60
				2.644.066,16

- w) **Naziv ponuđača s kojim ugovorni organ namjerava zaključiti ugovor o javnoj nabavci i razlozi za njegov izbor:** Ugovorni organ namjerava zaključiti ugovor sa ponuđačem Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla, nosilac konzorcija „Securitas“ d.o.o. sa registriranim sjedištem u ulici Bačići 3, 71000 Sarajevo, IDB: 4227417480004. Ponuđač je dostavio prihvatljivu ponudu sa najnižom cijenom.;
- x) **Podaci o dijelu ugovora koji se daje u podugovor i podatke o podizvođaču:** Ponuđač je izrazio namjeru podugovaranja dijela usluga fizičke zaštite COKP Drivuša i BNM Kakanj II (Čatići) u iznosu od 15%. Ponuđač se opredijelio za indirektno plaćanje podugovaraču;
- y) **Podaci o provjeri najpovoljnijeg ponuđača sa kojim ugovorni organ namjerava zaključiti ugovor o javnoj nabavci:**
- Tražene dokaze za kvalifikaciju ponuđača u pogledu **lične sposobnosti – član 45. Zakona**, za koje je dostavio Izjavu/e (Aneks 5) ponuđač je dužan dostaviti u roku od **5 (pet) dana** od dostavljanja Odluke o izboru najpovoljnijeg ponuđača. Dokazi koji se zahtjevaju moraju biti originali ili ovjerene kopije. Dokumenti ili uvjerenja navedena u članu 45. stav (2) Zakona ne smiju biti stariji od 3 mjeseca računajući od trenutka (dana) dostavljanja ponude.
 - Tražene dokaze za ispunjenost uvjeta **ekonomske i finansijske sposobnosti** u skladu sa članom 47. Zakona (originale ili ovjerene kopije dokumenata kojim dokazuje ekonomsku i finansijsku sposobnost – ovjerene kopije bilansa), a za koje je dao Izjavu u sklopu ponude, dužan je odabrani Ponuđač dostaviti u roku od **5 dana** od dana prijema Odluke o izboru najpovoljnijeg ponuđača;
 - **prije potpisivanja ugovora** u roku od dvanaest (12) dana od dana prijema Odluke o izboru najpovoljnijeg ponuđača dostaviti **Policu osiguranja od odgovornosti za realizaciju**



Handwritten signature or initials.

predmetnog ugovora iz oblasti njegove registrirane djelatnosti u vidu police osiguranja od odgovornosti prijevoza novca na iznos od 200.000,00 KM, bez učešća i franšiza, kojom će biti pokriven cio period trajanja ugovora (tri godine).

Napomena:

U skladu s Izvještajem o izvršenim pregovorima nakon provjere iznosa prijevoza novca po jednom vozilu smanjena je vrijednost police osiguranja od odgovornosti prijevoza novca sa 400.000,00 KM na 200.000,00 KM:

Profesionalna odgovornost dobavljača da nadoknadi ugovornom organu štete i gubitke je ograničena kako slijedi:

- za usluge prijevoza i prijenosa novca do 200.000,00 KM po štetnom događaju. Ukoliko količina novca koja treba biti prevezena prelazi naprijed navedeni iznos Ugovorni organ će o tome obavijestiti Dobavljača. Dobavljač je obavezan, da u tom slučaju angažuje dodatno vozilo i posadu, tako da količina novca koja se prevozi u jednom transportu ne može preći iznos od 200.000,00 KM.

- za usluge fizičke i tehničke zaštite odgovornost Dobavljača ne može biti veća od 2.000.000,00 KM po štetnom događaju, odnosno agregatno na godišnjem nivou;

- z) **Prijedlog odgovornoj osobi ugovornog organa za donošenje odluke o izboru ili odluke o poništenju, s obrazloženjem:** Komisija daje preporuku direktoru Javnog preduzeća "Autoceste Federacije Bosne i Hercegovine" društvo sa ograničenom odgovornošću Mostar da donese Odluku:

Ugovor za nabavku usluga: „Fizička zaštita ljudi i imovine, osiguranje i prijevoz novca blindiranim vozilom za potrebe JP Autoceste FBiH d.o.o. Mostar“ u vrijednosti od 2.644.066,16 KM sa uračunatim PDV-om dodjeljuje se ponuđaču: Konzorcij: Agencija za zaštitu ljudi i imovine „Securitas“ d.o.o. i „Flek“ d.o.o. Tuzla, nosilac konzorcija „Securitas“ d.o.o. sa registriranim sjedištem u ulici Bačići 3, 71000 Sarajevo, IDB: 4227417480004, koji je dostavio prihvatljivu ponudu sa najnižom cijenom;

Ugovor se zaključuje za sukcesivno vršenje usluga za period od tri godine. Obaveze koje dospjevaju u narednim godinama moraju biti ugovorene u iznosima predviđenim propisima kojima se uređuje izvršenje budžeta ili finansijskog plana za svaku godinu posebno. Ponuđena vrijednost usluga za 2018. godinu iznosi: 628.495,20 KM bez uračunatog PDV-a.

- aa) **Datum završetka postupka pregleda i ocjene inicijalnih i/ili konačnih ponuda:**
Komisija je završila pregled i ocjenu inicijalne ponude dana 21.08.2017. godine.
Komisija je završila pregled i ocjenu konačne ponude dana 23.11.2017. godine.
- bb) **Ime i prezime te potpis ovlaštenih predstavnika ugovornog organa koji su izvršili pregled i ocjenu inicijalnih i/ili konačnih ponuda:**

Članovi komisije:

Senada Lizde, predsjednik komisije..... *Senada Lizde*.....

Pero Vukoja, član komisije *Pero Vukoja*.....

Melika Alajbegović, član komisije *Alajbegović*.....

Ante Jurišić, član komisije *Ante Jurišić*.....

Mirza Humačkić, član komisije *Mirza Humačkić*.....

Za sekretara Komisije imenovana je Ružica Sabljčić;




Identifikacijski broj 4227891540005 PDV broj 227691540005
Glavni račun: Union banka Sarajevo 1020010000014039
Transakcijski račun: Raiffeisen bank dd Sarajovo, glavna filijala Mostar 1610200062470038
Federalna taksa za korištenje autoceste: 1610200062470232 i 338690229556422
Naknada za korištenje cestovnog zemljišta: 1610200062470136 i 3386902295564549

td


cc) Popis priloga uz zapisnik (zahtjevi za pojašnjenjem i/ili upotpunjavanjem dokumenata i ponuda, zahtjevi za dostavom originala ili ovjerenih kopija traženih dokumenata, zahtjevi za prihvatanjem ispravke računске greške, zahtjevi za objašnjenjem neprirodno niske cijene, dostavljeni dokumenti, pojašnjenja, objašnjenja, prihvatanje ispravke, mišljenje stručne službe ugovornog organa ili stručne osobe, i sl.):

1. Kopija zapisnika o provođenju pregovora – prvi krug;
2. Kopija Izvještaj o izvršenim pregovorima – prvi krug;
3. Kopija zapisnika o provođenju pregovora – drugi krug;
4. Kopija Izvještaj o izvršenim pregovorima – drugi krug;
5. Kopija Zapisnika o zaprimanju početnih ponuda;
6. Kopija Zapisnika o zaprimanju konačnih ponuda

Saglasan:



Adnan Terzić, dipl.ing.,
direktor



ZAPISNIK
 o zaprimanju ponuda
 /prilog Zapisniku o otvaranju ponuda/

Broj nabavke: 01-01.3-3123/17 S.L.

Naziv predmeta nabavke: „FIZIČKA I TEHNIČKA ZAŠTITE LJUDI I IMOVINE, OSIGURANJE I PRIJEVOZ NOVCA BLINDIRANIM VOZILOM ZA POTREBE JP AUTOCESTE FBiH D.O.O. MOSTAR“

Krajnji rok za dostavljanje ponuda: 11.08.2017. do 12:00

SPISAK BLAGOVREMENO PRISTIGLIH PONUDA

Red broj	Naziv ponuđača	Datum prijema	Sat prijema	Ponuda zatv. da/ne	Ponuda ošteć. da/ne	Napomena
	Agencija za zaštitu ljudi i imovine SECURITAS d.o.o	11.08.2017	8:50	da	ne	-

/Prilikom zaprimanja na omotnici ponude će se ubilježiti broj protokola, redni broj, datum i vrijeme zaprimanja prema redoslijedu zaprimanja/

Služba Protokola: Redžić Lejla
 Sekretar Komisije: Redžić Lejla



ZAPISNIK
o zaprimanju ponuda
/prilog Zapisniku o otvaranju ponuda/

Broj nabavke: 01-01.3-3123/17 S.L.

Naziv predmeta nabavke: „FIZIČKA I TEHNIČKA ZAŠTITA LJUDI I IMOVINE, OSIGURANJE I PRIJEVOZ NOVCA BLINDIRANIM VOZILOM ZA POTREBE JP AUTOCESTE FBiH D.O.O. MOSTAR“

Krajnji rok za dostavljanje ponuda: 18.09.2017. do 16:30

SPISAK BLAGOVREMENO PRISTIGLIH PONUDA

Red broj	Naziv ponuđača	Datum prijema	Sat prijema	Ponuda zatv. da/ne	Ponuda ošteć. da/ne	Napomena
1.	Konzorcij: Agencija za zaštitu ljudi i imovine „Securitas“ d.o.o. Sarajevo i „Flek“ d.o.o. Tuzla	15.09.2017.	10:38	da	ne	-

/Prilikom zaprimanja na omotnici ponude će se ubilježiti broj protokola, redni broj, datum i vrijeme zaprimanja prema redoslijedu zaprimanja/

Služba Protokola: *J. Lelović*

Sekretar Komisije: *Zajumica*

